

△各位評判老師大家好，今仔日阮要介紹的所在是阮學校的  
**鄉土館**。

△阮學校的鄉土館是學校的老師佻一陣治工做伙布置出來的，  
內底有足濟古早的日常用品佻農具。

△走入鄉土館就會看見一間**灶腳**，灶腳內面有一寡煮食的用  
具。

△這是**灶**，它就是古早的瓦斯爐，古早的灶是燃柴的，煮飯  
前就要先起火，不親像這馬的瓦斯爐是燃瓦斯的，開關一開，  
火就來了。

△囡著灶邊的是水缸，早期猶未有水道水，厝內要用水，就  
要去溪仔邊抑是井仔掙水，掙來的水倒進去水缸內底，再用  
這支**水瓢**，舀水起來用。

△古早煮時會用著豬肉油，古早人會把共肥肉提，來焗油，  
焗好的肉油著會囡入這個油甕仔內底。

△吃飯後，就會用這條**菜瓜擦**來鑪鼎鑪，鍋仔佻洗碗盤，這  
條菜瓜擦毋但好洗，不傷碗盤，嘛會當用來鑪身軀喔！

△這是石磨，會當用來磨米漿佻豆奶，冬至時，會當挲圓仔，  
過年過節嘛會當用來做粿，甜粿，鹹粿攏會當做喔！

△彼時陣，猶無冰箱，食賸的菜抑是厝內的人袂赴轉來吃飯，著會共飯菜暫時囤在這跤菜廚仔內底，菜廚仔有紗仔門，毋但通風，胡蠅恰蠓蟲嗎走無人去，它親像一台免插電的冰箱。

△阮阿祖家也有一跤這種菜廚仔，阿祖攏將四秀仔收著內面，阮若回去找阿祖，阿祖就會從菜廚仔提物件出來分阮食。

△這條是椅轎，會當共囡仔囤著椅轎內再餵飯，普通時抑會當反過來當作椅仔坐，真實用閣毋占空間。

△這是牛犁，它是套著牛的身軀上用來鬆土的。

△這台是風鼓，是用來共粟仔內底的土砂粉仔恰冇粟仔分出來，共粟仔倒入去風鼓內，用手去轉，風會共飽溲的粟仔恰塗沙仔分開。

△有一句話講：上司管下司，鋤頭管畚箕，這間鄉土館嘛有鋤頭恰畚箕，鋤頭會當用來剷草恰鬆塗，畚箕會當用來抔塗，抔物件，阿那這支扁旦會當用來擔物件哦！

△這支是柴刀，古早的灶要燃柴，揀轉來的柴愛用柴刀共伊剖做細塊，才袂橫柴夯入灶。

△邊仔這支是草鏢仔，用用來割草恰割稻仔的。

△這是雞籠仔，古早人講：痞貪艘雞籠，掠雞嘛愛一把米，以陣的人會佇厝前厝後飼雞，會佇雞籠內掖米來掠雞。

△這領是棕蓑，伊就是古早的雨幔，可比現代人穿的塑膠雨衣。

△用阿祖留落來的古董，毋是金銀，無事財寶，是用一世人攏毋甘擲討角的寶。

△阿祖留落來的古董親像一篇閣一篇的故事，印佇虎尾寮囡仔的心肝底。

△以上是阮的介紹，歡迎大家來阮學校的鄉土館參觀，謝謝大家。